

Schuster-Šewc, Heinz

K wuwiću rozkazovaceje a prašaceje sady w hornjej a delnej serbšinje

In: Otázky slovanské syntaxe. II, Sborník symposia "Strukturní typy slovanské věty a jejich vývoj", Brno 20.-22.10.1966. Bauer, Jaroslav (editor). Vyd. 1. Brno: Universita J.E. Purkyně, 1968, pp. 339-342

Stable URL (handle): <https://hdl.handle.net/11222.digilib/120091>

Access Date: 21. 02. 2024

Version: 20220831

Terms of use: Digital Library of the Faculty of Arts, Masaryk University provides access to digitized documents strictly for personal use, unless otherwise specified.

K WUWIĆU ROZKAZOWACEJE A PRAŠACEJE SADY W HORNJEJ A DELNJEJ SERBŠČINJE

Typy jednoreje sady su w słowjanskich rěčach wot najstaršeho časa konstantne. Měni so pak zdžela jich zwonkowna forma. Wobkedžbujemy to wosebje pola rozkazowaceje a prašaceje sady. Byrnjež je tendenca tuthych změnow powšitkownjesłowjanska, tak je tola jich realizacija w jednotliwych rěčach wšelaka. Wopisanje historije słowjanskeje syntaksy je tohodla jenož mózne na zakladźe dokladneje znajomosće wuwićowych modelow w jednotliwych słowjanskich rěčach samych. Runje tu ma pak słowjanska syntaksa w přirunjanju z druhimi džělemi gramatiki hišće jara wjele nachwatać. Fakty, podate pola Miklosicha a Vondráka, su, wotpowědujo tehdyšemu stawej přesledženja słowjanskich rěčow, často hišće sporadiske a njekompletne. Slědowacy diskusiski přinošk prouje so wo předstajenje ewolucije rozkazowaceho a prašaceho sadoweho typa w hornjej a delnej serbščinje.

1. We wobłuku rozkazowaceje sady je za serbščinu charakteristiske to, zo so tu wosebje w delnjoserbščinje poměrnje doľho syntetiske formy imperatiwa w 3. sg. a zdžela samo w 3. duala džerža. Rozkazowace sady ze syntetiskim imperatiwom su w ds. pomnikach hišće poměrnje časte. Přirunaj:

Jakubica 1548: *Ten clowniek... sam sebje skus* Kor. XI, 28; *ten... njekradni* Eph. IV, 28; *ten samy wutward was* 2. Thes. II, 17; *Jedna žeńska wuc z milcenjem* 1. Tim. II, 11 atd.

Moller 1574: *Jeden drugeg njesy brjemje; mjo zwjesel bože słowo; Ten kněz zwigni; Cesć buži bogu* atd.

Tharaeus 1610: *Spusći se 'šo.*

Fabricius 1709: *Žeńska nahukni po šichu...* 1. Tim. II, 11; *Troštuj waše hutšoby a hobtwarži was we šyknem dobrem slowje a statku; Za waju wěru wama se stani* Mat. 9, 29; ..., *ten njekšadn wěcy, žélaj pak wjele wěcy a hugbaj něšto dobrego...* Eph. IV, 28 atd.

Fryco 1795: *Zelezo a kuper bužtej* 5. Moz. 33, 25.

Ze syntetiskimi formami imperatiwa zetkawamy so tu samo hišće w 19. a 20. lěstotku. Přir. *Pomagaj bóg ſi, ty rjedne žowćo* (Haupt—Smoler); *Nježarž pon nicht se za stworiſela z gjardeju myſlu* (Kosyk); *Strowje buži waſczej narodnoſci* (Kosyk); *Nětk buž pak z nowotki zjadnoſć a z nowotki zbužona luboſć* (Kosyk); *Bog zdžarž ju a was!* (Witkojc); *Zěk buž tek tej dobrej ruce* atd.

Poměrnje doľhe zdžerženje syntetiskich formow imperatiwa zwisuje drje w delnjoserbščinje ze sylnym wliwom cyrkwinskeje rěče na wuwiće ds. spisowneje rěče, wono je pak zdobom tež wuraz periteriskeho charaktera delnjoserbščiny. W susodnej hornjoserbščinje njewustupuje syntetiska forma — podobnje kaž w druhich zapadnosłowjanskich rěčach — w tajkej šerokosći.

Wona je so tu hiže so 16. lětstotka zhubiła a wobmjezuje so pozdžišo jenož na někotre z cyrkwienskej rěču zwijazane wobroty, kiž so tež w džensnišej rěči hiše namakaja. Přir.

Warichius 1597: *Woswjećeno budź twoje mjeno; Twój swjaty jandžel budź żomnu;*

Matthaei 1721: *chwała budź bohu węcnemu;*

Biblia: *Přindź k nam twoje kralestwo; twoja wola so stań;* dale: *Bohu budź džakowanu* (Andricki); přirunaj tež hs. postrow *Wjeršn pomhazy* (wur. *bjez pomazý*). Delnjoserbskim příkladam wotpowědowace městna w hs. biblijí maya zwjetša hižo analytiske formy imperatiwa (Biblia 1728: *Žónska njech wuknje we mjełčenju...* 1. Tim. II, 11; *Štóż kranył je, ton njekran wjacy, ale njech so procuje, a džěta z rukomaj něšto dobre...* Eph. IV, 28).¹

Tež w delnjoserbščinje jewja so wot 16. lětstotka hižo bohaće analytiske formy. Wone tworja so z pomocu partikla *daši* // *daś* (zapadna delnjoserbščina) a *njeh* // *njechaj* (wuchodna delnjoserbščina, Jakubica), na př. *Daši nět cart, hela warcy; Daś jomu pomožo; Daši wachuju; Daši woni te tam slěže* atd. (Moller 1574); *Ten njeh spiwa psalmy* Jak. V, 13; *njeh ja chcu L. VI, 42; njeh prjeježemy L. VIII, 22; njeh jemy L. XV, 24; njeh sebje samemu pomože L. XXIII, 35* atd. Jakubica 1548); *Daši pak clownek sam se sptyujo a tak daši jě wot tego kléba* (Fabricius, Kor. XI, 28).

W hornjoserbščinje twori so analytiska forma kaž pola Jakubicy z pomocu *njeh*. Přir. pola Warichiusa 1597: *Njeh te džéatka ke mni přindu; Hew njeh sebje te prjerščenje... zawdatej;* Haupt—Smoler 1841: *Hdyž njemože być suknička, njeh je cholowa;* podobnje kaž pola Jakubicy hodži so *njeh* tu tež při imperatiwie trjebać: *Duž, bratřa, njeh sej nalijmy* (ČMS 1865, str. 274). Wosebitu kedžbosć zasluža sej w zwisku z wuwićom tuteje sadoweje konstrukcije ds. analytiske formy na *daši* // *daś*. Wone su přiwuzne z ruskimi a južnosłowjanskimi padami kaž stcsł. *da nikoliže ploda otъ tebe ne bđdetъ*; slowen. *da bi bog dal!* schr. o *da bi došao!*; rus. *Da pridet k nam mir i soglasije; Da nizojdet pravda!* (Daś); *Da zdravstvujet Sovetskaja armija!*; *Da pogibnet vrag!* atd. Ze zakladom je tu zhromadna prasł. partikla *da*, kotraž bu w ds. přez *ti* rozšerjena. Wona měješe prawdopodobnje přenjotnje namolwjacu (něm. *ausfordernd*) funkciju, kotraž jewi so tež zdžela hiše w južnosłowjanskich příkladach. Ale hižo w starocyrkwiensłowjanské rěči počnje so wona wužiwać za zwuraznenje přeča a rozkaza w 3. sg. Tuta tendenca je so pak jenož w delnjoserbščinje wuviła k systemowemu elementej. Zajimawa je tu přiwuznosć mjez delnjoserbščinu a južnosłowjansko-ruskimi rěčemi! Druhe zapadnosłowjanske rěče njeisu drje partiklu *da* w horjeka mjenowanej funkciji docyla znale. W „Słowniku Staropolskim“ podaty příklad *Da zdrow data* (pro *tata?*) z lěta 1437 je pře njejasny, zo by nam jako dopokaz za eksistencu tuteje partikle w zapadnosłowjanskich rěčach služić móhl.

W južnosłowjanskich rěčach sta so *da* pozdžišo z wuchadžišćom wobsahowych a finalnych sadow (stcsł. *risci, da kamenie se chlěbi bđđotъ* Mat. 4, 3 Zogr, schr. *Kaže da se ne boji da će umrijeti od gladi...*, Maret, 560; *jer se boji, da ga ne probudi*, Maret. 497; bołh. *tako mi je strach da ne minet nekako skroze nas, da viplenet*, Miletic).

¹ Přirunaj pak tež pola Radyserba – Wjele: *Haj, mér bydl radościwy na zelenej zemi, a na rjanych honach serbskeho kraja.*

Wuwiće tutoho zestajeneho sadoweho typa dyrbimy sej myślić tak, zo bě poměr mjez woběmaj dželomaj přenjotnje parataktiski. Přejace a rozkazowace sady wudospołnjowachu jako samostatne elementy (jednore sady) jenož předchadzace wuprajenje, zwuraznjene z pomocu někakjeho werba dicendi, voluntatis a studii et expectandi. Hakle počasu dosta so druhí džel do wušeho syntaktiskeho zwiska z přením dželom, a přenjotnje samostatne přejace a rozkazowace sady stawachu so pomałku z wotwisnymi dželemi (pôdlanska sada) předchadzaceho wuprajenja (hłowna sada). Z parataktiskeho poměra nastá hypotaktiski. Partikla *da* přetwarori so do konjunkcije. Widzimy tu, zo je tež južnosłowjančina spočatnje znać dyrbała podobny typ jednoreje sady z *da*, kaž mamy jón džensa hišće w delnjoserbščinje. Wón bu w južnosłowjanskich rěčach jenož pozdžišo w zwisku z wuwićom hypotaksy systemowje hinak wužity.

W delnjoserbščinje so wšak tuta změna njestu a konstrukcji na *daši* // *daš* staštej so z krutym wobstatkom rozkazowaceje sady. Wuprajenje kaž *Pšosu*, *daši pšižo* ma tu płaćiwość dweju, dospołnie samostatneju sadow (parataksa). Za zwuraznenje wotwisnego přeča we wobsahowej a finalnej sadze wužiwa delnjoserbščina zestajany sadowy typ na *aby* (*Pšosach tu starku, aby někaku serbsku ariju z młodosći spěwała; Stupichmy po namšy hyšći raz do cerkwje, aby sebje ju tšochu wobglédali*, Witkojc).

Za to pak móže konstrukcija z *daši* // *daš* w delnjoserbščinje tworić wobstatk koncesiwnieje zestajeneje sady, na př. *Daš se zwignu wšykne duchy, ja som slépy nět a gļuchi!* (Witkojc), přir. tež hs. *Njech je stara wěcha, je wšak tola třečha* (přisl.).

2. Prašaca sada charakterizuje so w serbščinje podobnje kaž w druhich słowjanskich rěčach hłownje přez intonaciju a změnjeny słowosłěd (*nan je na džèle → je nan na džèle?*). Nimo toho zesylňa so prašenje w serbščinje přez rjad wosebitých prašacych partiklow, kiž su zdžela jenož za serbščinu charakteristiske.

Partikla *-li*, wona jewi so jenož w alternatiwnym prašenju a měješe drje w serbščinje wot spočatka hłownje funkciju doraza. Jeje frekwencja je poměrnje slaba a wona w nowšim času dale a bôle woteběra. Tež tu zdawa so delnjoserbščina w přirunaju z hornjoserbščinu być bôle konserwatiwna.

Delnjoserbščina: Jakubica 1548: *Jsy-li ten kral tych Žydow? Chćeće-li wy, abych..., Pak-li sol budže njeslona, cym wosoliće?* Chojn. 1650, Fabricius 1709: *Sy-li božy syn?* Fabricius 1709: *Cos-li strowy buš?*; *Bužoš-li ty... póstawiš?*; Hauptm. Gram. 1761: *Jo-li to waju syn?* *Sy-li ty ten pšíducy?* *Maš-li to na mysli?* Haupt—Smoler 1841: *Bužoš-li zazej tam rejłowaś?* *Rozmjejtej-li* (narěč, Lutobor).

W ds. rozšérja so *-li* často tež přez *-c* abo samo přez *-k* // *-ch*, na př. *sy-lic, sy-lik?* *Ma-lic traš a rosć?* (Witkojc), *Je-lik won doma?* (Mužakowska narěč), *Jo-lich tyn doma?* (Złykomorowska narěč).

W staršej delnjoserbščinje wužiwaše so w zwisku z njegowanym prašenjom jako wosebita prašaca partikla *toli*, na př. *Toli njejo ten Dabidowy syn?* (Mat. 12, 23); *Toli njegronje jogo mašeri Marja?* (Mat. XIV, 55); *Toli njejo jich žaseč hucysčonych?* (Luk. 17, 11); *Toli njejsćo wy šēlne?* (Hauptm. Gram. 1761). Jedna so tu wo kompoziciju pronomu *to* z partiklu-*li*, přir. tež stscł. *toli „insofern“* a pól. *atoli „aber, jedoch“*. Zda so, zo zwuraznja tu *toli* na spočatku samostatne powštkowne prašenje, kotrež so hakle w druhim dželu konkretizuje. *Toli* mohlo so tu tohodla wobhladować jako samostatna sada.

Hornjoserbščina: *Sy-li boži syn?* (Biblia); *Spomniš-li na mnje, mój rjany luby,...* (Haupt—Smoler); *Chceš-li być moje holičo?* (Haupt—Smoler). W přitomnej hornjoserbščinje so direktne prašenja z *-li* faktisce wjace njejewja. Tež w ludowych bajkach, kiž maja hišće poměrnje konserwatiwnu rěci, njenamaka so hižo žadyn příklad z *-li* (*Psyčko, kóčka, směm? Nimaš wjace džéči?* atd.).

Partikle hs. *ha*, *da*, ds. *ga*. K podšmrnjenju direktneho prašenja trjebatej serbščinje wot dawnja tež partikle *ha* // *ga* a *da*. Tute partikle sčehuјa pak nje-posrđne prasłow. **ga*. **da*, pak su to zjednorjenja preñjotneho **kṛgda* abo **tṛgda*, přir. *Etymologický slovník slovanských jazyků, ukázkové číslo*, Brno 1966, str. 22—25. Wot časa serbskeho wozrođenja pisa so *da* jako *dha* (hlej Słownik Pſula). W staršich pomnikach jewi so *dha* (Warichius) a *da* (hlej H. Zejler, *Gramatika*, C. Bose, *Wand.-deutsch. Wörterbuch* a dr.). Příklady:

Hornjoserbščina: *Sy ha // da to wěđał? Maš ha // da čas? Jo ha hewak pótén hišći něšto?* (narč); *Sče da tež wy hišće njerozumni?* (Biblia); *Sy dha wózhriwy Pětr?* (Bajka); *Maće dha tu chorta hišće* (Bajka).

Delnjoserbščina: *Co da wy chćeće? Chto da može wuzbožyć?* (Jakubica); *Njejsćo ga wy sélne?* (Hauptm., Gram); *Njejsy ga to pjerwjej wjeżeł?* (Haupt—Smoler); *Cošliga?* (Hauptm., Gram); *Su ga Serby hyšći žywe?* (Bjero) atd.

Partikle hs. *hač* (stare *ač*), ds. *lēc* (**ač-b*, **lēč-b*). Tute partikle zahajeja wosebje wotwisne prašenja; po woznamje wotpověduja něm. *ob a č. zdali*. Příklady:

hs. *Njewěm, hač je tam był. Štō wě, hač bě ščuka abo lin;* ds. *A glědach wšednje w starosći, lēc tek jej wody njebrachujo* (Witkojc); *Sudźće wy sami to, lec to před Bogem prawe je* (Jakubica).

Při njewotwisnym prašenju wustupuje *hač* // *lēc* jenož zrědka: *Hač ničo wo Serbach njewě?* (Andricki); *Lēc wy hyšći pši mjasecku w šišynje tam cowašo?* (Witkojc).

We wudospołnojowacych abo słownych prašenjach wustupuja jako prašace partikle jenož *ha* // *ga* a *da*: hs. *Hdžeha sy był? Štoga sy činił?* ds. *Dyga sy ty how pšíšeł?* (Biblia); *Sylojk, pšec ga ty mě bužiš z mojog rědneg cowanja?* (Witkojc).

Charakteristiske je za hs. ludowu rěč měšenje prašaceje adw. pronomow *katry*, *-a*, *-e* a *kajki*, *-a*, *-e*. Mjez tym zo wuživa spisowna rěč jednotnje *katry*, *-a*, *-e* (Z *katrym čahom sy přijěł?*), namakamy w narčach w słownych prašenjach tež pronomem *kajki*, *-a*, *-e* (Z *kajkim čahom sy přijěł?* Na *kajkim polu sče džéžali?*). Přir. w tutym zwisku stč. *Kakú omluvu nesešte proti člověku tomuto?* (Bauer, *Problematika vývoje základních větných typů v slovanských jazycích*).